





An Oifig Forbartha Pobail

# Lámhleabhar Chumann na nÁitritheoirí

Ag Cuidiú leat Pobail Níos Fearr a Chruthú



fingal.ie

# Lámhleabhar Chumann na nÁitritheoirí


**Ag Cuidiú:** *Foghlaim, plé, fás, cónaí*

**Leat:** *Tusa, Muidne, Iadsan, Eisean, Ise*

**Pobail:** *Tuismitheoir, Leanbh, Deirfiúr, Deartháir, Comharsa*

**Níos Fearr:** *Níos Cairdiúla, Níos Gaoismhaire,  
Níos Sona, Níos Sláintiúla*

**A Thógáil:** *Fás, múin, cas le, labhair le, foghlaim,  
bain taitneamh as*



**Fáilte isteach chuig an tríú heagrán de Lámhleabhar Chumann na nÁitritheoirí de chuid Chomhairle Contae Fhine Gall.** Is é aidhm an lámhleabhair seo treoir agus cúnamh a sholáthar do phobail, ó chéim bhunaithe an chumainn, chuig forbairt agus cothú an chumainn sin. Is í an Oifig Forbartha Pobail a cheap an lámhleabhar seo mar thacaíocht don obair a dhéanann an oifig le grúpaí pobail, lena n-áirítear tionóntaí, áitritheoirí agus eagraíochtaí ionadaíocha.

Leagtar amach sa lámhleabhar seo tuiscint shoiléir ar cad is róil agus freagrachtaí an ghrúpa a ghlacann air féin feidhm cheannaireachta mar ionadaí thar ceann eastáit, ceantair nó pobail chun feabhas a chur ar an timpeallacht chónaithe.

Is é is cuspóir do na samplaí praiticiúla arna dtabhairt tríd síos ná eolas éasca le tuiscint agus cúnamh a sholáthar dóibhsean atá ag obair i gcomhthéacs forbartha pobail.

Tá súil againn go mbeidh an foilseachán seo ina chúnamh do do ghrúpa agus táimid ag tnúth le bheith ag tacú leat san iarracht agat pobail níos fearr a thógáil.

*Pat Queenan*

Pat Queenan

**Príomhoifigeach Pobail**

# Clár Ábhair

- ▶ *Ar féidir linn a thairiscint do do ghrúpa*
- ▶ *Ról na hOifige Pobail*
- ▶ *Cad is Cumann Áitritheoirí ann?*
- ▶ *Tús a chur leis an obair*
- ▶ *Ról & freagrachtaí an choiste*
- ▶ *Ag reáchtáil do Chumainn Áitritheoirí*
- ▶ *Tacaí do Chumainn Áitritheoirí*
- ▶ *Eagraíochtaí forbartha áitiúla eile*




# Ar féidir linn a thairiscint do do ghrúpa:

## *Céard a dhéanann do Chumann Áitritheoirí áitiúil?*

Déanann do Chumann Áitritheoirí áitiúil ionadaíocht thar ceann gach baill den eastát/ceantar, agus téann siad i ngleic le saincheisteanna/cúiseanna imní éagsúla, e.g. feabhas a chur ar an timpeallacht, tionscadail phobail mar shampla tionscadail samhraidh agus glanadh suas. Chomh maith leis sin, déanann Cumann na nÁitritheoirí ionadaíocht thar ceann gach baill den eastát trí obair i ndlúthpháirt leis an údarás áitiúil agus le gníomhaireachtaí eile chun an t-eastát/ceantar a chothabháil agus feabhas a chur air.

## *Maidir le Comhairle Contae Fhine Gall:*

Is comhairle contae muid i dtuaisceart Bhaile Átha Cliath a bhfuil oifigí againn i



Chun tuilleadh eolais a fháil faoin Oifigeach Pobail atá ainmnithe do do cheantar téigh i dteagmháil linn ag **01 890 5080**. Is féidir teacht ar eolas maidir lenár seirbhísí go léir ar ár suíomh gréasáin **[www.fingal.ie](http://www.fingal.ie)**

Sord agus i mBaile Bhainséir. Freastalaímid ar limistéar geografach de 425 chiliméadar cearnach a chuimsíonn pobail tuaithe, uirbeacha agus fho-uirbeacha agus is ann atá gnéithe ríthábhachtacha den bhonneagar náisiúnta agus réigiúnach lonnaithe, Aerfort Bhaile Átha Cliath san áireamh. Cuirimid raon seirbhísí ar fáil dár saoránaigh – saoráidí pobail & fóillíochta, tithíocht, pleanáil, seirbhísí comhshaoil, seirbhísí iompair, agus tacaí gnó, i measc a lán seirbhísí eile.

Oibríonn an Oifig Forbartha Pobail i gcúig cinn de limistéir gheografacha ar fud Chontae Fhine Gall, i gcomhpháirt le pobail agus grúpaí, agus tacaíonn le hiarrachtaí a dhéanann pobail áitiúla agus eagraíochtaí deonacha chun athruithe a chur i bhfeidhm.

# Ról na hOifige Pobail

## Oibríonn an Oifig Pobail chun cuidiú le grúpaí pobail na nithe seo a leanas a dhéanamh:

- ▶ Tathant ar áitritheoirí bheith ina mbaill de Chumann na nÁitritheoirí
- ▶ Eolas agus oiliúint a sholáthar maidir le ról agus freagrachtaí Chumann na nÁitritheoirí i.e. oifigigh an Choiste, Cathaoirleach, Rúnaí, glacthóir miontuairiscí, Cisteoir.
- ▶ Cuidiú le pleanáil an Chruinnithe Chinn Bhliana
- ▶ Páirt a ghlacadh i múnú bhunreacht Chumann na nÁitritheoirí, lena n-áirítear aidhmeanna agus cuspóirí an ghrúpa
- ▶ Tathant ar ghníomhaireachtaí reactúla cuí agus grúpaí forbartha áitiúla eile tacú leis an gcumann e.g. Tionscadail Forbartha Pobail, Ionaid Acmhainní Teaghlaigh, TUSLA agus Feidhmeannacht na Seirbhíse Sláinte
- ▶ Plean oibre a fhorbairt chun dul i ngleic le fadhbanna áitiúla agus aontú ar na gníomhartha is gá chun dul i ngleic leis na saincheisteanna sin
- ▶ Cur isteach ar mhaoiniú chun gníomhartha an phlean oibre a bhaint amach
- ▶ Na gníomhartha arna sonrú sa phlean oibre a bhaint amach
- ▶ Cuairt ar Oifigí na Comhairle Contae a eagrú más féidir, nó eolas a chur ar fáil maidir le rannóga na Comhairle, mar shampla liosta teagmhálaithe i ngach rannóg
- ▶ A gcuid oibre a chur chun cinn ar fud an eastáit trí nuachtlitreacha, bileoga eolais, clár fógra, suíomhanna gréasáin meáin shóisialta etc.
- ▶ Dul chun cinn a dhéanamh ar shaincheisteanna agus fadhbanna san eastát a mbeadh baint ag Comhairle Contae Fhine Gall leo
- ▶ Naisc a chruthú le Cumainn Áitritheoirí cosúla atá ar bun cheana féin
- ▶ Eolas a sholáthar le haghaidh cruinnithe Toscaireachta leis an Udarás Áitiúil agus maidir le deiseanna maoiniúcháin
- ▶ Foinsí oiliúna a aimsiú agus iad a sholáthar i gcás gur féidir é
- ▶ Tathant ar ghrúpaí clárú ar Chlár Contae Pobail Fhine Gall

# Deiseanna oiliúna chun cuidiú le do Chumann Áitritheoirí

Trí mheán an chláir 'Pathways to Participation' cuireann an Oifig Forbatha Pobail deiseanna oiliúna ar fáil do ghrúpaí pobail chun cuidiú leo forbairt laistigh dá bpobal áitiúil. Cuirimid oiliúint ar fáil sna réimsí seo a leanas:

- ▶ Beartú ar aidhmeanna agus cuspóirí soiléire
- ▶ Róil agus freagrachtaí an ghrúpa/an oifigigh
- ▶ Plean oibre/gnó a fhorbairt
- ▶ Cruinnithe éifeachtacha a reáchtáil
- ▶ Airgeadas a bhainistiú
- ▶ Bunreacht a fhorbairt (féach leathanach 21)
- ▶ Réiteach aighnis
- ▶ Oiliúint sa cheannaireacht
- ▶ Máistir-ranganna i gcomhar le hInstitiúid Teicneolaíochta Bhaile Bhlainséir




# Cad is Cumann Áitritheoirí Ann?

Is éard is Cumann Áitritheoirí ann grúpaí de dhaoine áitiúla, atá ina gcónaí in eastát tithíochta nó i mbloc árasán, a oibríonn i gcomhar lena chéile chun feabhas a chur ar an timpeallacht chónaithe chun a chinntiú go mbeidh ionadaíocht mhaith ag an gceantar ar eagraíochtaí reachtúla.

D'fhéadfadh baill an Chumainn Áitritheoirí a bheith déanta suas de dhaoine a bhfuil a dteach féin acu/atá ag ceannach tí agus de thionóntaí atá ina gcónaí i dtithe ar cíos a bhaineann le tiarnaí talún príobháideacha

nó leis an údarás áitiúil. Le blianta beaga anuas, bhí roinnt mhaith forbairtí tithíochta déanta suas de mheascán tionachtaí. Mar sin, is minic a bhíonn na Cumainn Áitritheoirí ionadaíoch do mheascán d'úinéirí tí, de thithíocht shóisialta (an t-údarás áitiúil), de chomharthitíocht agus de theaghligh a bhfuil tithe príobháideacha ar cíos acu.

I roinnt de na pobail tuaithe i bhFine Gall tá teaghligh nach bhfuil ina gcónaí in eastát tithíochta agus ó am go chéile bunaíonn siadsan Comhairle Pobail. Sna heagraíochtaí pobail seo is minic a bhíonn baill ann ó ghrúpaí áitiúla spóirt agus pobail le hionadaíocht ar a choiste, ach feidhmeoidh sé ar an mbealach céanna is a dhéanann Cumann Áitritheoirí.



# Príomhfheidhmeanna an Chumainn Áitritheoirí:



- ▶ Cruinnithe rialta a eagrú
- ▶ An pobal a choinneáil ar an eolas faoi shaincheisteanna agus faoi thionscnaimh nua atá ar siúl sa cheantar
- ▶ Cinntí a dhéanamh
- ▶ Tuairimí agus riachtanais an phobail áitiúil a chur in iúl

## ***Ag obair i gcomhar le Comhairle Contae Fhine Gall***

D'fhéadfá cuireadh a thabhairt do d'Oifigeach Forbartha Pobail Áitiúil/ d'ionadaí ón gComhairle freastal ar do chruinniú agus beidh an té sin in ann forléargas a thabhairt duit ar ról an údaráis áitiúil i do cheantar agus comhairle a chur ort maidir le ceann de na nithe seo a leanas:

- ▶ Conas an Cumann Áitritheoirí a chlárú le Comhairle Contae Fhine Gall
- ▶ Tacaíocht a sholáthar maidir le bhur mbunreacht féin a cheapadh
- ▶ Oiliúint a sholáthar maidir le scileanna, róil agus freagrachtaí an choiste
- ▶ Foinsí féideartha maoiniúcháin agus tionscnaimh áitiúla a sholáthar do do ghrúpa
- ▶ Comhairle phraiticiúil a sholáthar maidir leis na chéad chéimeanna eile

# Tús a Chur leis an Obair



## ***Tabhair cuireadh do dhaoine páirt a ghlacadh sa chumann:***

Tá a lán cúiseanna nár mhaith le daoine páirt a ghlacadh sa phobal áitiúil. Ar na cúiseanna sin seans nach mbraitheann áitritheoirí go n-éistear lena dtuairimí agus gur cur amú ama é an dua a chaitheamh dá bharr sin. Ar an taobh eile de, in eastát ina mbraitheann na daoine nach bhfuil aon fhadhbanna follasacha ann, ní dóigh leo go bhfuil gá le coiste áitritheoirí.

An bealach is fearr chun daoine a spreagadh bheith páirteach ná trí rud éigin dearfach a dhéanamh i d'eastát agus cuireadh a thabhairt do dhaoine cuidiú leat sna iarracht sin. Nó d'fhéadfaí maidin caifé a réachtáil agus cuireadh a thabhairt do dhaoine ó do phobal áitiúil plé ginearálta a bheith acu maidir leis na

feabhsuithe a d'fhéadfaí a chur i bhfeidhm sa cheantar. Ag an gcruinniú seo tá sé tábhachtach a chinntiú go mbraitheann na daoine atá ag freastal ar an ócáid go gcuirfeadh an Cumann Áitritheoirí mórfháilte roimh a n-ionchur.

## ***Do Chumann Áitritheoirí a Bhunú:***

Tráth a bhfuil Cumann Áitritheoirí á bhunú, tá cúpla rud nach miste a chur san áireamh:

- ▶ Socraigh spriocanna réadúla
- ▶ Déan do dhícheall tathant ar an méid daoine agus is féidir páirt a ghlacadh sa chinnteoireacht agus freagrachtaí a ghlacadh orthu féin
- ▶ Coinnigh gach duine ar an eolas faoina bhfuil ag tarlú
- ▶ Cuir ina luí ar na hoibríthe deonacha go mbeidh orthu gealltanais a thabhairt roinnt dá gcuid ama a chur ar fáil chun freastal ar chruinnithe rialta



## An chéad chruinniú:

Is é cuspóir an chéad chruinnithe:

- ▶ Oibrithe deonacha a earcú a chuideoidh leat an Cumann Áitritheoirí a reáchtáil
- ▶ Cruinniú poiblí a eagrú chun oibrithe deonacha eile a earcú agus cuireadh a thabhairt do na háitritheoirí go léir ó do cheantar freastal air
- ▶ Ceisteanna comónta a phlé a mbeidh acu ar do cheantar, dul i ngleic leo agus breithniú a dhéanamh ar na bealaí go léir ina bhféadfaí déileáil leis na saincheisteanna sin
- ▶ Teorainneacha a shocrú a áireofar faoi shainchúram an Chumainn Áitritheoirí



## An Liosta de nithe le déanamh

- ▶ Socraigh dáta
- ▶ Eagraigh an t-ionad
- ▶ Beartaigh ar chlár oibre
- ▶ Tabhair cuireadh don phobal áitiúil
- ▶ Tabhair cuireadh do d'Oifigeach Forbartha Pobail ó Chomhairle Contae Fhine Gall



## Cumarsáid mhaith:

Tá sé den riachtanas go bhforbrófaí straitéis mhaith chumarsáide chun daoine a choinneáil ar an eolas faoina bhfuil ar siúl ag a gCumann Áitritheoirí ina gceantar féin. Tá roinnt bealaí chun cumarsáid mhaith a chinntiú i do cheantar:

- ▶ Foilsigh nuachtlitir
- ▶ Fan i dteagmháil le grúpaí pobail eile agus iarr orthusan an t-eolas a scaipeadh i measc a mbail féin
- ▶ Labhair le Príomhoide agus/nó leis an Oifigeach Teagmhála Baile/Scoile i do scoil áitiúil agus faigh cead uathu bileoga eolais a chur abhaile leis na daltaí sna málaí scoile nó grúpthéacs a sheoladh amach

## Deiseanna Comhionanna:

Tá sé thar a bheith tábhachtach go ndéanfadh do ghrúpa polasaí a scríobh maidir le deiseanna comhionanna chun a chinntiú go gcuireann do ghrúpa teachtaireacht an-soiléir amach chuig an bpobal áitiúil /go bhfuil sé ar an eolas faoi aon idirdhealú éagórach agus go bhfeidhmeoidh sé go cuí chun dul i ngleic le haon saincheisteanna a d'fhéadfadh a eascairt ón éagóir sin. Tá sé thar a bheith tábhachtach a chur san áireamh nach gciallaíonn deiseanna comhionanna caitheamh le gach uile dhuine díreach mar an gcéanna, ach a chinntiú go n-aithnítear difríochtaí agus ilchineálacht. Baineann sé lena chinntiú go dtugtar na deiseanna céanna do chuile dhuine páirt a ghlacadh sa phobal.



## Coiste a bhunú:

Ba chóir do choiste a bhunú de réir bhunreacht do ghrúpa (féach leathanach 23). De ghnáth bíonn toghcháin ann gach bliain nó gach dara bliain ag an gcruinniú cinn bhliana. Is é ról an choiste a chinntiú go mbeadh an Cumann Áitritheoirí ag feidhmiú de réir théarmaí an bhunreachta agus go mbeadh sé sofheagrach do riachtanais an phobail. Féadfaidh an coiste feidhmiú mar idirghabhálaí leis na Ranna Tithíochta, Pobail & Oibríochtaí sa Chomhairle, de réir mar is cuí.



## 6 Nod chun Cruinniú Éifeachtach a Reáchtáil

- ▶ Cloígh leis an méid ama a cuireadh ar leataobh don chruinniú (2 uair ar a mhéid!!!)
- ▶ Múch gach guthán póca nó cuir iad sa mhód ciúin
- ▶ Aontaigh ar bhunrialacha don ghrúpa
- ▶ Éiligh go gcoinneofaí faoi rún gach rud a phléitear ag an gcruinniú
- ▶ Cuirtear na ceisteanna trí mheán an Chathaoirligh i gcónaí
- ▶ Léirítear meas ar thuirimí a chéile

## Ag Ullmhú don chruinniú:

An ní is tábhachtaí ar fad a dhéanann coiste nuair a thagann sé le chéile ná cinnní a dhéanamh. Cuirtear gach gnó i gcrích ag na cruinnithe agus le go mbeadh na cruinnithe éifeachtach ba chóir go ndéanfaí iad a phleanáil go maith agus go gcinnteofaí go mbeadh an chinnteoireacht éifeachtach.


- ▶ Ba chóir go dtabharfaí foláireamh ar a laghad seachtaine do bhaill an choiste go mbeidh cruinniú ar siúl
- ▶ Beidh liosta míreanna le plé ann do gach cruinniú – an clár oibre
- ▶ Aon mhíreanna a bheidh le plé ar an oíche, ba chóir iadsan a chur chuig an gCathaoirleach roimh an gcrúinniú
- ▶ Aon mhíreanna nua a bhfuil sé i gceist iad a chur leis an gclár oibre ag tús an chruinnithe, cuirtear iadsan faoi AGE (aon ghnó eile)

- ▶ Ba chóir go mbeadh 1/3 de líon na mball i láthair sula rachaidh cruinniú ar aghaidh. Tugtar córam air sin.

*Is éard is córam ann an líon íosta de bhaill choiste ar ghá iad a bheith i láthair chun gnó an choiste a réachtáil. Ba chóir go mbeadh an líon ball sin luaite go sonrach i mbunreacht do ghrúpa agus cinnfidh an grúpa air sin tráth a mbeidh bunreacht an ghrúpa á cheapadh.*

- ▶ Ba chóir go gcuirfí tús leis an gcrúinniú laistigh de 10 nóiméad ón am a socraíodh e.g. 8pm
- ▶ Ba chóir go mbeadh an cruinniú in ionad oiriúnach i.e. dóthain spáis, compordach, áit a chinnteoidh rúndacht agus an cur isteach is lú agus is féidir.

## De ghnáth tagann Cumainn Áitritheoirí le chéile uair nó dhó sa mhí.





### **An Clár Oibre:**

- ▶ Is éard atá sa chlár oibre liosta saincheisteanna ar mhian libh a phlé ag bhur gcruinniú,
- ▶ Leis an gclár oibre cinntítear go mbeidh an cruinniú éifeachtach, struchtúrtha agus spriocdhírthe
- ▶ Ba chóir don Rúnaí agus don Chathaoirleach an clár oibre a ullmhú

### **Ba chóir na nithe seo a leanas a chur san áireamh ar an gclár oibre:**

- ▶ Ainm an ghrúpa
- ▶ Dáta agus ionad an chruinnithe
- ▶ Liosta na míreanna agus iad liostáilte in ord tosaíochta
- ▶ Teorainn ama do gach mír a bheidh le plé

#### **Cruinniú de (Ainm an Ghrúpa Áitritheoirí)**

#### **Dáta agus am an chruinnithe**

#### **Clár Oibre**

1.	Fáilte agus daoine a chur in aithne dá chéile
2.	Leithscéalta
3.	Miontuairiscí ón gcruinniú deireanach
4.	Nithe ag eascairt as na miontuairiscí sin
5.	Comhfhreagras
6.	Míreanna le plé (Mír 1)
7.	Mír 2
8.	Mír 3
9.	AGE (Aon Ghnó Eile)
10.	Dáta, ionad agus am an chéad chruinnithe eile

*Déan deimhin de go mbeidh dóthain ama ann chun gach mír an gclár oibre a phlé.*

### **Miontuairiscí an chruinnithe:**

Glacfaidh an Rúnaí miontuairiscí an chruinnithe agus cuirfidh dréachtchóip de na miontuairiscí sin chuig an gCathaoirleach chun iad a aontú agus ansin chuig gach ball den choiste. Déanfar na miontuairiscí sin a aontú roimh an gcéad chruinniú eile.



# Róil agus Freagrachtaí an Choiste



## Ball Coiste:

Má tá tú le bheith i do bhall ar choiste, ní leor freastal ar na cruinnithe amháin, cé go bhfuil sé sin ar an bpríomhthasc agat. Ba chóir go mbreathnófa ar do ról mar ról gníomhach agus ní mar ról éighníomhach. Cé go mbeidh gá freastal ar chruinnithe, beidh gá a bheith in iúl freisin ar na cinntí a ndéanfaidh do choiste údarú orthu, agus obair i gcomhar le baill eile an choiste chun teacht ar chomhdhearcadh ionas go mbeifear in ann gnó a bhrú ar aghaidh trí struchtúr an choiste.

## Is iad baill an choiste an chuid is tábhachtaí den Chumann Áitritheoirí

An ról acu ná:

- ▶ Freastal ar chruinnithe
- ▶ Cuidiú le heagrú imeachtaí
- ▶ Cur leis an bplé
- ▶ Aiseolas a thabhairt ar shaincheisteanna san eastát
- ▶ A chinntiú go bhfuil gach rud a pléadh sa ghrúpa próbháideach agus faoi rún
- ▶ Cinntí a dhéanamh bunaithe ar leas is fearr an phobail áitiúil
- ▶ Tacú leis an gcoiste agus glacadh le vótaí an mhóraimh
- ▶ Obair le chéile mar fhoireann
- ▶ Cuidiú le dáileadh nuachtlitreacha/bileog eolais sa cheantar áitiúil nuair a bheidh gá leis
- ▶ Aiseolas a fáil ó do chomharsanacht maidir le saincheisteanna atá á bplé ag cruinniú an Chumainn Áitritheoirí




# Róil na nOifigeach:

## An Cathaoirleach

Is é príomhról an Chathaoirligh an coiste a stiúradh agus cruinnithe a éascú.

I measc phríomhfhreagrachtaí an Chathaoirligh tá siad seo a leanas:

- ▶ A bheith go hiomlán ar an eolas faoi na gníomhaíochtaí a bhíonn ar bun ag an ngrúpa
- ▶ A chinntiú go bhfuil na tascanna a dáileadh ar bhaill eile den choiste á gcomhlíonadh go tráthúil
- ▶ Freagracht a ghlacadh as éascú a dhéanamh ar an ngrúpa a bheith ag obair go maith lena chéile chun aidhmeanna an choiste a bhaint amach agus cúnamh agus tacaíocht a sholáthar de réir mar is gá, ag cinntiú go dtugtar an deis do dhaoine labhairt amach
- ▶ Feidhmiú mar a bheadh urlabhraí agus ionadaíocht a dhéanamh ar an gcoiste ar eagraíochtaí, líonraí seachtracha, etc.
- ▶ Cuidiú leis an gcoiste a fhócas a choinneáil ar bhaint amach a aidhmeanna, a chuspóirí agus a phleananna oibre
- ▶ Cinntí éigeandála a dhéanamh idir cruinnithe nuair is gá de réir ghnáthaimh aontaithe an choiste
- ▶ Pleanáil agus réachtáil an chruinnithe (nó é a tharmligean más gá)
- ▶ A chinntiú go mbeadh gach eolas is gá ar fáil do bhaill an choiste
- ▶ A chinntiú go gcoinnítear taifid imleor de na cruinnithe
- ▶ A chinntiú go ndéantar pleananna/bearta a aontú le linn an chruinnithe agus go gcuirtear iadsan i bhfeidhm



# Róil na nOifigeach (ar lean):

## *An Leas-Chathaoirleach*

Seasann an Leas-Chathaoirleach isteach don Chathaoirleach nuair is gá agus cuireann tacaíocht riaracháin ar fáil de réir mar is gá.

## *An Rúnaí*

Is é príomhról an Rún a chinntiú go gcoinnítear gach duine ar an eolas.

## *I measc phríomhfhreagrachtaí an Rúnaí tá na nithe seo a leanas:*

- ▶ Miontuairiscí a thógáil (nótaí a thógáil le linn an chruinnithe)
- ▶ Litreacha a scríobh go hoifigiúil thar ceann an ghrúpa
- ▶ Comhfhreagras a fháil thar ceann an ghrúpa agus an grúpa a choinneáil ar an eolas is déanaí faoin gcomhfhreagras
- ▶ Liosta de na baill reatha ar an gcoiste a choinneáil

D'fhéadfaí duine eile a cheapadh chun miontuairiscí a ghlacadh chun an brú a laghdú ar an Rúnaí, ach bheadh sé seo faoi lánrogha an ghrúpa féin.

## *Príomhfhreagrachtaí an té a ghlacann na miontuairiscí:*

- ▶ Cruinnithe a eagrú e.g. am agus áit etc.
- ▶ Dréachtchlár oibre a dhréachtú i gcomhar leis an gCathaoirleach
- ▶ Miontuairiscí a ghlacadh

- ▶ Miontuairiscí a scríobh suas agus a scaipeadh ar bhaill an choiste roimh an gcéad chruinniú eile

## *An Cisteoir*

Is é an Cisteoir an té atá freagrach as gnáthchistí laethúla an Chumainn Áitritheoirí. Bíonn siad freagrach as leabhair bheachta chuntais a choinneáil. Is gá a mheabhru, áfach, gurb ar an gcoiste féin atá an fhreagracht fhoriomlán as a chinntiú conas a úsáidtear cistí agus as a chinntiú go ndéantar iad a bhainistiú i gceart.

## *I measc phríomhfhreagrachtaí an Chisteora tá na nithe seo a leanas:*

- ▶ Beartais agus gnáthaimh airgeadais a cheapadh le faomhadh an choiste
- ▶ Cuntas bainc a oscailt
- ▶ Monatóireacht a dhéanamh ar ioncam agus caiteachas an ghrúpa
- ▶ A chinntiú go ndéantar gach fáltas a lóisteáil isteach i gcuntas bainc an ghrúpa
- ▶ A chinntiú go ndéantar deimhin de go bhfuil sonraisc agus fáltas ann do gach íocaíocht a dhéantar
- ▶ An coiste a choinneáil ar an eolas faoi staid airgeadais na heagraíochta
- ▶ Tuairisc airgeadais a chur i láthair ag gach cruinniú
- ▶ Súil a choinneáil ar an mbuiséad
- ▶ Cuntais a chur i láthair ag CCB na heagraíochta
- ▶ Ionadaíocht a dhéanamh thar ceann na heagraíochta agus iarratais ar mhaoiniú á gcur isteach.

# Ag Reáchtáil do Chumainn Áitritheoirí

## Taifid a Choinneáil:

Ba chóir leabhar taifead ar leithligh a choinneáil do chuntas do ghrúpa. Má tá córas mionairgid i bhfeidhm agaibh ba chóir leabhar cuntais ar leithligh a choinneáil chuige sin.

## Sampla: Leabhar Íocaíochtaí Seiceanna

Dáta	Sonraí	Uimhir Seic.	Uimhir an tSonraisc	Iomlán	Speansais an Chruinnithe	Laethanta Pobail	Trealamh	Speanis an Chruinnithe	Banc
				€	€	€	€	€	€
6/01/15	E. Byrne	00098	78990	100.00		100			100
8/02/15	AJ Hardware	00099	656	160.00			160.00		160

*\*Ba chóir cóipeanna de gach sonrasc a choinneáil ar taifead le haghaidh iniúchta*

Arna chur in oiriúint ó leagan sa tsraith 'Managing Better' leis an nGníomhaireacht do Chomhrac na Bochtaineachta – Financial management for community and voluntary groups le Maria Power

Tá sé tábhachtach go mbeadh ar a laghad triúr, ó chineálacha éagsúla teaghlaigh, sásta feidmiú mar shínitheoirí seiceanna ar an gcuntas bainc. Beidh ar bheirt as an triúr sin na seiceanna a shíniú thar ceann an Chumainn Áitritheoirí.

## Bileog oibre samplach den Imréiteach Bainc

- |  |           |
|--|-----------|
| ▶ Iarmhéid Tosaigh (Ag tús na míosa)                                 | €1,000.00 |
| ▶ Méid iomlán na gcistí arna n-íoc isteach sa bhanc le linn na míosa | €200.00   |
| ▶ Méid iomlán arna íoc amach as an gcuntas le linn na míosa          | €400.00   |
| ▶ Iarmhéid iarbhír ag deireadh na míosa                              | €800.00   |


Imréiteach iarmhéid na leabhar leis an ráiteas €

1.	Iarmhéid de réir an ráitis	
2.	Lúide na seiceanna atá fós amuigh	
3.	Móide lóisteálacha atá fós le déanamh	
4.	Iarmhéid C/F	

Ba chóir go meaitseáladh iarmhéidanna (1) agus (4) Iarmhéid Dheireadh na Míosa



# Cén fáth a mbeadh Bunreacht againn?



Tá an Bunreacht ar cheann de na cáipéisí is tábhachtaí a bheidh ag an ngrúpa. Is éard atá ann cur síos ar aidhmeanna agus cuspóirí an ghrúpa agus leagtar amach ann na rialacha a úsáidfídh an grúpa. Is cur síos i scríbhinn é ar an tuiscint atá ann faoi cad a dhéanfaidh do ghrúpa agus conas a dhéanfaidh sé é sin. Má tá Bunreacht dea-scríofa agaibh beifear níos fearr in ann dul i ngleic le beagnach aon fhadhb a bheadh agaibh i reáchtáil gnáthchúrsaí laethúla na heagraíochta.

Tá sé tábhachtach ar na cúiseanna seo a leanas:

- ▶ Gan an tuiscint scríofa seo d'fhéadfadh daoine a bheidh ag tabhairt faoi nithe a bheadh ag teacht salach ar a chéile, agus dá bharr sin ní chuirfí jabanna i gcrích
- ▶ Teastóidh ó dhaoine seachtracha, go háirithe maoinitheoirí/urraitheoirí féideartha a fheiceáil go bhfuil do ghrúpa daonlathach agus cuntasach. Chuige sin, is gá gnáthamh soiléir a bheith ann faoi cad iad na cinní is gá a dhéanamh.
- ▶ Feidhmeoidh sé mar phointe tagartha agus cuideoidh sé fadhbanna a réiteach tráth a mbeadh conspóid ann.

Ar an gcúis sin tá sé tábhachtach Bunreacht a fhorbairt a léiríonn go fírinneach an chaoi a dteastaíonn ó do ghrúpa a ghnó a reáchtáil.





## Cód Iompraíochta

Chun a chinntiú go bhfeidhmeoidh do ghrúpa go maith moltar daoibh bunrialacha a fhorbairt a mbeidh ar gach ball den Chumann Áitritheoirí cloí leo.

De ghnáth is cáipéis ar leith atá sa chód iompraíochta a fhorbraíonn an grúpa agus a chuirtear ar taispeáint ag gach cruinniú nó ó am go chéile.

I measc na rialacha samplacha don chruinniú d'fhéadfaí iad seo a leanas a áireamh:

- ▶ Léirigh meas ar thuairimí a chéile
- ▶ Éist leis an gcainteoir
- ▶ Cloígh leis an gclár oibre
- ▶ Bíodh cosc ar an bhfón póca
- ▶ Bíodh cosc ar chaint mhaslach
- ▶ Bíodh cosc ar chaint chiníoch
- ▶ Coinnigh gnó an ghrúpa faoi rún i gcónaí



## Múscail agus coinneigh spéis an phobail:

Tá sé thar a bheith tábhachtach go mbraithfeadh do chomharsana go bhfuil siad páirteach agus dá mhéid daoine atá páirteach sa ghrúpa is ea is dóichí a bheidh sé go mbeidh tinreamh maith ag do chruinnithe.

### Cad a oibríonn go maith?

- ▶ Reáchtáil cruinnithe ag am a fheileann d'fhormhór an ghrúpa
- ▶ Reáchtáil cruinnithe in ionad ar féidir le formhór an ghrúpa teacht air go héasca agus atá lonnaithe sa chomharsanacht
- ▶ Déan deimhin de go gcoinnítear gach duine a fhreastalaíonn ar na cruinnithe cothrom le dáta ó thaobh cad a pléadh agus aontaigh ar bhealaí chun cinn
- ▶ Reáchtáil imeachtaí pobail a áireoidh daoine ón bpobal áitiúil
- ▶ Scaip tuairiscí chun dáta maidir lena bhfuil ag tarlú
- ▶ Féadfaidh baill den Chumann Áitritheoirí dul timpeall ó dhoras go doras sa cheantar ag lorg tuairimí an phobail áitiúil

### Cad a chuireann cosc ar dhaoine freastal ar na cruinnithe?

- ▶ Cruinnithe nach dtosaíonn agus nach gcríochnaíonn in am
- ▶ Cláir oibre atá rófhada
- ▶ Mura mbraitheann daoine go bhfuil fáilte rompu
- ▶ Mura n-éistear le tuairimí daoine agus mura gcuirtear na tuairimí sin san áireamh
- ▶ Cruinnithe nach bhfuil struchtúrtha go maith

# Conas plean oibre an Chumainn Áitritheoirí a fhorbairt?

Le linn na chéad chruinnithe den Chumann Áitritheoirí moltar don ghrúpa plean oibre a fhorbairt. Is éard is plean oibre ann liosta tascanna a d'aontaigh an coiste cúram leantach a dhéanamh díobh. De ghnáth is saincheisteanna/cúiseanna imní iad na tascanna a ardaíodh ag cruinnithe nó le linn na gcuairteanna ó dhoras go doras a tugadh ar dhaoine sa chomharsanacht. Tráth a bhfuil an plean oibre seo á fhorbairt is gá mionsonrú a dhéanamh ar na gníomhartha riachtanacha chun a chinntiú go mbainfear amach gach tasc. Molaimid i gcónaí do Chumann Áitritheoirí gach gníomh ar leith a shannadh do dhuine amháin ar leith; ar an gcaoi seo féadtar an obair a roinnt ar bhaill éagsúla an ghrúpa. Déan deimhin de go bhfuil taifead den phlean oibre i miontuairiscí an choiste agus go ndéantar athbhreithniú air ag gach cruinniú.

## Plean Oibre Samplach:


AINM AN CHUMAINN ÁITRITHEOIRÍ: \_\_\_\_\_

AMLÍNE PHLEANÁILTE: \_\_\_\_\_ DÁTA ATHBHREITHNITHE: \_\_\_\_\_

ROINN	TASC/SAINCHEIST	GNÍOMH	DUINE ATÁ FREAGRACH AS
Oibríochtaí	Tá na crainn éirithe fiáin agus iad ag fás amach thar na cosáin	Téigh i dteagmháil le rannóg na nOibríochtaí agus iarr orthu na crainn a ghearradh siar	Mary
Oibríochtaí	Tá gá le comharthaíocht 'Leanaí ag Súgradh' san eastát	Déan stocaireacht ar rannóg na nOibríochtaí le go gcuirí roinnt comharthaí in airde sa spás glas comónta	Magda
Oibríochtaí	Tá an cosán briste	Téigh i dteagmháil le rannóg na nOibríochtaí agus iarr orthu deisiú na gcosán a chur ar an sceial	Liam
Oibríochtaí/ Pobal	Eagraigh glanadh suas pobail chun bruscar a bhailiú atá caite timpeall an eastáit agus ansin chun bláthanna a chur	Téigh i dteagmháil le Rannóg na nOibríochtaí chun málaí agus lámhainní agus bailiú bruscair saor in aisce a chur ar fáil. Téigh i dteagmháil leis an Oifig Pobail chun cúnaimh deontais a fháil chun plandaí a cheannach. Téigh i dteagmháil le Rannóg na nOibríochtaí chun barrithir a sholáthar agus chun an féar a bhaint ar an lá.	Kunle
Tithíocht	Tá an grúpa buartha faoin gcaoi atá ar na tithe san eastát	Scríobh chuig an rannóg Tithíochta agus iarr orthu Cigire Tithíochta a shannadh chun athbhreithniú a dhéanamh ar chaoi na dtithe	Michael
Pobal	Gníomhaíochtaí do dhaoine níos óige le linn an tsamhraidh	Bunaigh grúpa áitritheoirí chun cuidiú libh tionscadal samhraidh a reáchtáil. Déan teagmháil leis an Oifig Pobail agus leis na seirbhísí áitiúla don aos óg chun tuilleadh comhairle agus tacaíochta a fháil	Tom
Tiomsú Airgid	Tiomsaigh airgead chun clár fógraí pobail a cheannach	Iarr ar ghnóthaí áitiúla urraíocht a sholáthar	Frank

# Tacaí do Chumainn Áitritheoirí

## Scéimeanna Maoiniúcháin atá ar fáil ón Oifig Forbartha Pobail:



Cuireann an Oifig Forbartha Pobail deontais ar fáil le haghaidh tionscadal, imeachtaí agus/nó gníomhaíochtaí a chuideoidh spéis an phobail a mhúscailt san fhorbairt pobail, chun go gcuirfí chun cinn an taitneamh a bhaineann an pobal as páirt a ghlacadh in imeachtaí agus chun iad a spreagadh sin a dhéanamh agus chun cuidiú feabhas a chur ar an gcáilíocht saoil do gach áitritheoirí i gContae Fhine Gall.

Cuireann Oifig Forbartha Pobail Fhine Gall tacaíocht airgeadais ar fáil do phobail, grúpaí agus eagraíochtaí áitiúla trí mheán na scéimeanna maoiniúcháin seo a leanas:

### 1. Maoiniú le haghaidh Gníomhaíochtaí

Clúdaíonn an scéim mhaoiniúcháin seo tionscnaimh a chuidíonn comhrac i gcoinne an eisiamh shóisialta, agus a thacaíonn le himeachtaí, comhdhálacha, seimineáir, tionscadail timpeallachta, trealamh a sholáthar, foilseacháin, taighde, trealamh spóirt agus trealamh don ghrúpa.

### 2. Maoiniú le haghaidh Tionscadal Samhraidh:

Tacaíonn an scéim mhaoiniúcháin seo le clár maoirsithe de ghníomhaíochtaí caithimh aimsire agus oideachais do dhaoine óga le linn mhíonna an tsamhraidh. Leagtar béim ar rannpháirtíocht pobail a spreagadh agus forbairt pobail a chur chun cinn.

### 3. Deontais Ealaíon:

Déanann an Oifig Ealaíon an maoiniú seo a riar agus tacaíonn sé le tionscadail nó imeachtaí a mhúsclóidh spéis an phobail sna healaíona, a chuirfidh eolas chun cinn agus a chuideoidh le daoine taitneamh a bhaint as ealaíona agus feabhas a chur ar chaighdeán ealaíne ar fud Chontae Fhine Gall.

### 4. Deontais Spóirt don Aos Óg:

Déanann Sport Ireland an scéim seo a mhaoiniú agus déantar í a riar trí Oifig Spóirt Chomhairle Contae Fhine Gall. Tacaíonn sé le tionscnaimh a dhíríonn go príomha ar spóirt do dhaoine óga le fócas ar leith ar rannpháirtíocht pobail.

**Le haghaidh tuilleadh eolais téigh chuig [www.fingal.ie/](http://www.fingal.ie/)**



### ***Oibríonn ár nOifig Pobail le raon leathan grúpaí ar fud Fhine Gall***

**Ina measc tá:** Cumainn Áitritheoirí/tionóntaí, grúpaí bainistíochta eastáit, comhairlí pobail, tionscnaimh forbartha pobail. I measc na dtionscamh ar tugadh tacaíocht dóibh go nuige seo bhí tionscadail samhraidh, laethanta spraoi do theaghlaigh, glanadh suas agus scéimeanna feabhsúcháin timpeallachta a áiríonn clocha le hainmneacha eastáit agus gairdíní pobail.

# Bealaí eile chun teacht ar mhaoiniú pobail:



Tiomsú airgid sa phobal – is féidir airgead a thiomsú do ghníomhaíochtaí do ghrúpa le haghaidh imeachtaí amhail turais do dhaoine scothaosta ó do cheantar, imeachtaí sóisialta, laethanta agus imeachtaí pobail.

Tá eagraíochtaí eile a bhfuil maoiniú agus deontais ar fáil uathu do ghrúpaí deonacha. D'fhéadfadh coinníollacha agus critéir a bheith ag gabháil leis an maoiniú sin ó thaobh cén sórt grúpa a bhfuil cead acu cur isteach air agus mar sin ba chóir duit taighde a dhéanamh ar na critéir a ghabhann leis an maoiniú chun a dhéanamh deimhin de go bhfuil an maoiniú sin ábhartha do do ghrúpa.

Seo a leanas roinnt de na grúpaí sin:

- ▶ Community Foundation of Ireland
- ▶ People in Need
- ▶ Cuntais Dhímhaoine
- ▶ Clár Tacaíochta Pobail Bhus Átha Cliath
- ▶ Pobal
- ▶ The Ireland Fund
- ▶ An Bord Oiliúna agus Oideachais (an Coiste Gairmoideachais mar a bhí)

Le haghaidh tuilleadh eolais maidir le maoiniú agus an rannóg pobail téigh i dteagmháil le **01 890 5080** nó cuir ríomhphost chuig [community@fingal.ie](mailto:community@fingal.ie)

# Do Chumann Áitritheoirí agus Comhairle Contae Fhine Gall:

Ó am go chéile éilíonn Cumainn Áitritheoirí cruinniú le hOifigigh na Comhairle chun saincheisteanna a phlé atá acu maidir lena n-eastát:

*De ghnáth baineann na saincheisteanna sin le nithe mar seo:*

- ▶ Eastáit a thógáil i gcúram
- ▶ Sábháilteacht ar bhóithre laistigh den eastát
- ▶ Iompraíocht fhrithshóisialta
- ▶ Sábháilteacht Pobail
- ▶ Saincheisteanna pleanála
- ▶ Cúram a dhéanamh de spásanna glasa
- ▶ Caitheamh bruscair agus salú ag madraí

Mar Chumann Áitritheoirí is féidir leat do tuairimí a chur in iúl do bhaill an Chumainn faoi shaincheisteanna ar cúis imní duitse iad agus a bhaineann le do cheantar/do shráid.

## **Conas cruinniú toscaireachta a eagrú:**

Tá an Oifig Forbartha Pobail freagrach as seirbhísí a sholáthar le haghaidh cruinnithe toscaireachta. Is éard atá i gceist leis sin cruinniú a eagrú leis na Cumainn Áitritheoirí chun a chinntiú go mbeidh foireann chuí ó ranna éagsúla agus Comhairleoirí áitiúla i láthair ag an gcruinniú.

Tá dátaí agus amanna socraithe ann le haghaidh na gcruinnithe toscaireachta.

CEANTAR	AM	IONAD	AM
Baile Brigín/Sord	An 2ra Déardaoin de gach mí	Seomra na Comhairle, Sord	2.15 – 2.55pm
Caisleán Cnucha/Mullach Eadrad	An 4ú Déardaoin de gach mí	Seomra na Comhairle, Baile Bhlainséir	2.45 – 3.25pm
Mullach Íde/Binn Éadair	An chéad Déardaoin de gach mí	Oifigí Bhaile Dúill	2.15 – 2.55pm





# Gníomhaireachtaí forbartha áitiúla eile

## Tascfhórsa Áitiúil/Réigiúnach Drugaí :

Comhpháirtíocht idir na hearnálacha reachtúla, deonacha agus pobail. Dírítear ar chóireáil, ar chosc agus ar athshlánú.

Forbartha Áitiúil agus Pobail (LCDP) 2009-2014 agus roimhe sin an Clár um Fhorbairt Áitiúil agus um Chuimsiú Sóisialta 2000-2006.

## Ionad Saorálaíochta Fhine Gall:

Seirbhís neamhspleách, saor in aisce, chun tathant ar níos mó daoine páirt a ghlacadh san obair dheonach ar fud an chontae.

## Seirbhís Oideachais Aosaigh (ETC):

Cuireann na Boird Oiliúna Oideachais deiseanna oideachais ar fáil do dhaoine fásta.

## Comhairlí Pobail:

Ionadaíocht ar thuairimí na bhforas reachtúil agus eile faoi chúrsaí pobail a théann i bhfeidhm ar an gceantar uile.

## Cumann na gCúramóirí:

Eagraíocht dheonach náisiúnta le haghaidh cúramóirí baile agus de chúramóirí baile.

## Coiste Chontae Fhine Gall um Chúram Leanaí:

Tá ról comhairleach ag an gcoiste seo agus cuireann siad comhairle ar fáil do sheirbhísí cúraim leanaí i gContae Fhine Gall chomh maith le heolas agus cúnamh ar raon leathan ábhar i réimse an chúraim leanaí.

## Fóram Seanóirí :

Líonra uilechontae de sheanáirí i bhFine Gall chun éascú a dhéanamh ar ghuth níos comhleanúnaí níos coincreítí ar shaincheisteanna comónta a théann i bhfeidhm ar sheanáirí.

## Seirbhísí Óige/Foróige:

Ag cuidiú le daoine óga páirt ghníomhach a ghlacadh ina bhforbairt féin agus i bhforbairt an phobail.

## Gardaí Pobail:

Ag baint amach an leibhéal is airde de chosaint phearsanta, de dhíograis phobail agus de shlándáil stáit.

## SICAP - Social Inclusion & Community Activation Programme

Tháinig SICAP i gcomharba ar Chlár

## Fóram Míchumais:

Líonra de dhaoine faoi mhíchumas nó de dhaoine a dhéanann stocaireacht thar ceann daoine faoi mhíchumas. Líonra a chuireann chun cinn comhionannas.

**Líonra Eitneach Fhine Gall:**

Líonra comhdhéanta d'ionadaithe ó phobail éagsúla mionlaigh/eitneacha atá ina gcónaí agus ag obair i bhFine Gall.

**LCDC – Coiste Áitiúil Forbartha Pobail:**

Déanann an grúpa Putting People First beartú ar athchóirithe a dhéanfar sa rialtas áitiúil ionas go mbeidh ról níos lárnaí aige san fhorbairt áitiúil eacnamaíochta, shóisialta agus pobail.

**Comhchoiste Póilíneachta:**

Eagraíocht arna bunú faoi Acht an Gharda Síochána 2005 mar fhóram ina mbeadh ionadaithe ón údarás áitiúil, i gcomhar le baill den Oireachas, leasanna pobail agus deonacha agus Oifigigh ón nGarda Síochána ag glacadh freagrachta as póilíneacht a dhéanamh ar an gceantar.

**Comhairle na nÓg:**

Comhairlí leanaí agus óige i limistéir na 34 Bhord Forbartha Cathrach agus Contae sa tír. Bunaíodh iad chun guth a thabhairt do leanaí agus daoine óga

(faoi aois vótála 18) tráth a mbeadh beartais seirbhísí áitiúla á bhforbairt.

**TUSLA - An Ghníomhaireacht um Leanaí agus an Teaghlach:**

Bunaíodh TUSLA an 1 Eanáir 2014 agus is é seo anois an ghníomhaireacht thiomnaithe Stáit atá freagach as feabhas a chur ar fholláine agus torthaí do leanaí. Tá sé ar an athchóiriú is cuimsithí ar chosaint leanaí, idirghabháil luath agus seirbhísí tacaíochta teaghlaigh a rinneadh riamh in Éirinn.

**Life Start - Mullach Eadrad:**

Clár fianaisebhunaithe le haghaidh tuismitheoirí agus leanaí suas go dtí aois a cúig. Déantar a gcoiclár – the Growing Child – a sholáthar sa bhaile ar bhonn míosúil, agus táthar tar éis a chruthú go gcuidíonn sé le tuismitheoirí atá faoi bhrú; go ndaingníonn sé an caidreamh idir an leanbh agus an tuismitheoir; agus go dtacaíonn sé le tuismitheoirí tuiscint a fháil ar an gcaoi a bhforbraíonn agus a bhfoghlaímíonn an leanbh óg.

Le haghaidh tuilleadh eolais nó chun sonraí teaghála a fháil cuir glao ar an Oifig Forbartha Pobail ag **01 890 5080**



**Comhairle Contae  
Fhine Gall**  
Fingal County  
Council



*Tá an foilseachán seo ar an tríú heagrán de Lámhleabhar Cumainn Áitritheoirí 2015  
Arna Maoiniú ag:*

**Comhairle Contae Fhine Gall, An Rannóg Pobail, Cultúir agus Spóirt,  
Bóthar an Gharráin, Baile Bhlainséir, Baile Átha Cliath 15.**

**Teil: 01 890 5080  
Rphost: [community@fingal.ie](mailto:community@fingal.ie)  
[www.fingal.ie](http://www.fingal.ie)**

© 2016 Fingal County Council